

Departamento di Cultura cu un charla

Historia di Carnaval y su musica



DEPARTAMENTO di Cultura Aruba (DCA) bou auspicio Ministerio di Cultura den cuadro di su puntonan di prioridad cu ta educacion di Arte y Cultura ta organisa dos anochi di charla di Historia di Aruba su Carnaval.

DCA a acerca sres. Juby Naar y Roberto Geerman cu e idea aki y mesora tur dos a bay di acuerdo pa ta parti di e celebracion di Aruba su Carnaval.

Sr. Juby Naar lo elabora riba e historia di Aruba su Carnaval y sr. Roberto Geerman lo trata historia di Calypso y Roadmarch cu awe ta Caiso y Soca Monarch, tambe lo papia di Festival di Tumba.

Diamars mainta a reuni cu Juby y Roberto y pa cuadra tur cos den otro p'e dos nochi di charla.

Uno lo tuma lugar otro siman diarazon 20 di februari, pa 7or pm na MFA Noord. E otro lo tuma lugar diahuebs 21 di februari, pa 7orpm na Museo di Carnaval na ex-Green Hill riba Bernhardstraat.

Nan lo bira anochinan interesante cu informacionnan valioso di historia di Aruba su Carnaval.

Departamento di Cultura Aruba ta desea di invita henter e pueblo y amantenan Carnavalesco pa presencia e charlanan aki, cu ta completamente gratis.